




**O 24 DE MAIO NO CC ÁREA CENTRAL
DESDE AS 17:00 ATA AS 20:00**



VII Trócame-Roque

**NON TE PERDAS O VII MERCADIÑO
SOLIDARIO PARA RAPACES E RAPAZAS**

APÚNTATE EN:
CRUZ VERMELLA, IES ANTONIO FRAGUAS,
CEIP DE FONTINAS E CEIP MONTE DOS POSTES





Índice

	Páxs.
1. Título	3
2. Xustificación	3
3. Obxectivos	7
4. Metodoloxía e actividades	7
5. Destinatarios	10
6. Datas e lugar de realización	10
7. Recursos humanos	10
8. Recursos técnicos e materiais	11
9. Seguimento e avaliación	13
10. Anexos	14



1. Título:



**Mercadiño infanto-xuvenil “TROCAME-ROQUE”
(VII edición)**

2. Xustificación

Fontiñas: un barrio novo, pero que xa ten mais que cumprida a súa maioría de idade, que vai medrando día a día, que avanza na súa consolidación, que pouco a pouco vai reforzando o seu sentimento de pertenza. Xuventude, que é sinónimo de forza; diversidade, que é sinónimo de enriquecemento persoal e social; en definitiva, dificultades, sí; potencialidades, tamén...

Pero Fontiñas ten xa unha importante traxectoria vital... Movementos da súa poboación, autonomía das familias condicionada polos diferentes plans de vivendas, unidade dos servizos que traballan na zona, importante labor desempeñada nos últimos anos, etc., aspectos que esixiron que vinte e dous anos despois da constitución do barrio fixéramos unha “parada no camiño” a reflexionar, novamente, cal é a realidade social do barrio, cales son as súas necesidades actuais, cales son as súas potencialidades (que tamén as hai) e cales son as liñas de intervención que deben marcar a actuación dos distintos servizos públicos e entidades sociais nos vindeiros anos. Traballar con obxectivos reais é sinónimo de rigor técnico e profesional, de eficacia e de eficiencia.



A actuación profesional non debe obviar o nivel “asistencial”; hoxe mais que nunca, cobra importancia a cobertura das necesidades básicas da poboación. Por elo, o labor coordinado de todos nós cobra, cada vez mais, unha especial importancia e amosa un novo “punto de encontro”: **todos traballamos cun mesmo fin, o *benestar do veciñanza***. Pero non debemos esquecer que hai outros niveis aos que *debemos prestar atención: a prevención das situacións de vulnerabilidade social e o esforzo para reforzar o sentimento de “vida comunitaria”; un firme aposta pola “convivencia”; convivencia “positiva”, fomentando a igualdade social, dende o respecto á diferenza de cada quen, pero tamén dende o exhaustivo cumprimento da lexislación vixente e dos dereitos constitucionais que asisten a cada cidadán.*


É evidente que “a unión fai a forza”; así o amosa día a día o *traballo coordinado* de tódolos servizos públicos e entidades do barrio. Un traballo comunitario que se albiscaba alá polo ano 1998 e que se evidencia como unha realidade, amplamente consolidada na actualidade. Un traballo coordinado, en rede, que pretende incidir no *benestar do veciñanza*, no fomento da *igualdade social* e da *autonomía persoal*.





Despois dunha análise exhaustiva da realidade social, fíxose unha detección de necesidades¹, que deu lugar ao establecemento de 22 liñas de actuación que deben inspirar o quefacer profesional das distintas entidades sociais, educativas e sanitarias da zona. Inspirándonos na liña 7 (Actividades Comunitarias, que integrasen e implicasen a todo o barrio), comezamos a desenvolver esta proposta que a súa vez abrangue outras liñas de acción, coma son: liña 14 (Impulso de actividades para a xuventude), liña 18 (Activación de procesos de solidariedade social) e liña 20: Propiciar a dinamización social.

¹ Mais información, no apartado de “documentación: Diagnóstico comunitario do barrio de Fontiñas”, da web www.compostelaintegra.org



Tendo en conta que os principais actores da xornada son as rapazas e rapaces que viven na zona e os centros educativos aos que asisten, cómpre ter presente dende a perspectiva educativa, a importancia de que eles tomen conciencia das necesidades sociais que existen no contorno e do que poden aportar para solventalas. Trátase da concreción dun proxecto baseado na “aprendizaxe-servizo”. Contaríase co traballo, implicación e aportacións dos propios menores para acadar un fin solidario. non afastado, senón próximo.

Pártese da idea de que os centros educativos e as restantes institucións sociais teñen unha concepción “aberta á comunidade”: trabállase dende cada ámbito, pero somos capaces de desenvolver unha actividade conxunta, con fins compartidos, e levala a cabo no propio contexto social.



Por último sinalar que para a elaboración do presente proxecto se tivo en conta as aportacións dos propios menores e a avaliación das edicións anteriores (ano 2013, 2014, 2015, 2016, 2017 e 2018), nun contexto dunha programación “participativa”.

3. Obxectivos

- ✦ Fomentar a participación e a dinamización social na zona.
- ✦ Reforzar os “espazos de encontro” e a “vida comunitaria”, nos que estean presentes os valores da igualdade e da solidariedade social.
- ✦ Implicar e integrar a tódolos axentes sociais do barrio nunha mesma actividade.
- ✦ Activar procesos de solidariedade entre a veciñanza, facéndoos conscientes de necesidades do barrio.
- ✦ Impulsar actividades nas que nenos, nenas, mozos e mozas sexan os protagonistas.
- ✦ Concienciar aos menores sobre a realidade social e comunitaria na que viven e “espertar” neles iniciativas de índole solidaria, promovendo actitudes prosociais.
- ✦ Ofertar aos mais novos a posibilidade de que “sexan a voz” que transmita novas iniciativas comunitarias.
- ✦ Difundir a importancia de valorar a interculturalidade.

4. Metodoloxía e actividades.

A proposta consiste en levar a cabo un “mercadiño” desenvolto principalmente por participantes infantís e xuvenís, no que haxa diferente oferta de intercambio baseado na “venda”² e no “troco”³ de :

- ✦ Produtos feitos a man por eles mesmos.
- ✦ Produtos de segunda man deste tipo: cómics, libros, xogos, xoguetes, videoxogos, cds, dvds.

² “Venda”: as persoas participantes asignarán un valor aos diferentes obxectos expostos e as persoas que queiran adquirilos, aboarán a devandita cantidade, cando menos, por eles.

³ Aqueles participantes que opten polo forma de “troco” deben participar con algunha aportación simbólica.



O fin da organización deste mercadiño é sufragar un proxecto solidario ubicado no propio barrio de Fontiñas. Cada posto doará a cantidade que, en conciencia, considere debe aportar, aínda que se establece un mínimo do 50 % do recadado (quedando o 50 % restante para sufragar os gastos de material). Se ben somos conscientes de que o que se recade⁴ vai ser algo simbólico, queremos que este importe se destine basicamente a:

- ✦ 50% do recadado será doado a Cáritas parroquial para a adquisición de artigos de primeira necesidade e produtos de hixiene persoal.
- ✦ 25% do recadado será destinado a “Sufragar” o gasto dalgunha necesidade socioeducativa do barrio⁵, canalizado a través dalgunha entidade de iniciativa social presente na zona, priorizando o acceso ao lecer e ocio de marcado carácter educativo.
- ✦ 25% do recadado será destinado a “Sufragar” necesidades puntuais e urxentes do colectivo de maiores do barrio que se atopan en situación de maior vulnerabilidade social co fin de promover maiores niveis de autonomía persoal na súa contorna.

A participación nos postos está reservada unicamente a nenas, nenos, mozas e mozos de entre 8 e 18 anos. A inscrición poderase levar a cabo dende o martes 2 de maio ate o día 16 de maio, ambos incluídos, nos centros educativos (CEIP Fontiñas, CEIP Monte dos Postes e IES Antonio Fraguas) ou nos locais de Cruz Vermella. Para poder facer a solicitude de inscrición débese entregar debidamente cuberto o cadro de inscrición e as autorizacións asinadas por nai/pai/titores de cada un dos solicitantes; así como a entrega de 1 € por persoa participante, que será destinado ao proxecto solidario. Cada grupo debe entregar as inscricións de forma conxunta nunha mesma entidade.

Ao redor do mercado celebráranse outras actividades de animación, para acadar unha maior afluencia de público (fomento da participación) e reforzar os espazos de convivencia, transmitindo os valores de solidariedade e de igualdade. “Dende o ocio, compártese o tempo, favorécese a convivencia”. As actividades programadas para ese día son as seguintes:

⁴ A través de cuotas de participación, doazóns ou patrocinadores.

⁵ Necesidade socioeducativa do barrio (individual ou colectiva) ou dalgunha actividade que teña un dobre enfoque: socioeducativo e comunitario.



- ✦ A actividade troncal será o propio mercadiño.
- ✦ 17:00 horas: Inauguración do mercadiño a cargo da Concelleira de Políticas Sociais, Diversidades, Saúde e Centros Cívicos e dous rapaces do CEIP Fontiñas.
- ✦ 17,15 horas: Obradoiro de Parkour.
- ✦ 17,15 horas: Obradoiro de Breakdance.
- ✦ 17,15 horas: Obradoiro de Beatbox.
- ✦ 17,15 horas: Obradoiro de fútbol de estilo libre.
- ✦ 19,15 horas: Actuación de Breakdance. .
- ✦ 19,30 horas: Actuación de fútbol de estilo libre .
- ✦ 19,40 horas: Actuación do grupo musical “Ona y Abi” do IES Antonio Fraguas.
- ✦ Ao longo da tarde:
 - Obradoiros implementados dende Cruz Vermella:, maquillaxe, globoflexia.
 - Obradoiro de “*Leva a túa chapa personalizada*” implementado por Cruz Vermella.
- ✦ Tamén se porá “unha mesa informativa” na que as persoas que se acheguen á mesma poidan coñecer ás distintas entidades (sociais, educativas e sanitaria) que traballan na zona, que labor están levando a cabo e a quen dirixirse en caso de necesidade. Na mesma, presentarase unha mostra do material, que dende o eido comunitario, se ven elaborando nos quince anos de traballo.
- ✦ Estará colocada, nun lugar visible, unha “caixa solidaria” onde os asistentes poidan depositar os seus donativos, independentemente das compras ou trocos realizados.
- ✦ Deséxase coñecer a valoración que os participantes e asistentes fagan da actividade a través do “libro de visitas”.



5. Destinatarios

Consideramos como destinatarios e como “protagonistas” do proxecto nenos, nenas, mozos e mozas **de 8 a 18 anos** para que desenvolvan o mercado. Estes participantes estarán debidamente autorizados por escrito por pais, nais ou titores dende o momento da inscrición.

6. Datas e lugar de realización

Desenvolverase o venres, 24 de maio de 2019, **en horario de 17:00 a 20:00 h.**

O espazo que se establece a priori é **Área Central**, como “punto neuráxico da vida do barrio”, pretendendo ao mesmo tempo que non existan atrancos por malas condicións metereolóxicas, colaborando coa dinamización do propio centro e contribuíndo a transmitir a idea de que o mesmo “...está na vida do barrio, da súa xente, apoiando todo tipo de iniciativas comunitarias”.

7. Recursos humanos

Para levar a cabo a actividade plantéxase, dentro das Sesións Plenarias da xuntanza de barrio, establecer unha comisión organizativa, que estará composta por:

- a) Coordinadora do Centro de Día Arela.
- b) Coordinadora da Fundación Secretariado Xitano.
- c) Orientadora do IES Antonio Fraguas.
- d) Orientadora do CEIP Fontiñas.
- e) Orientador do CEIP Plurilingüe Monte dos Postes.
- f) Técnica de xuventude de Cruz Vermella.
- g) Educadoras sociais do Programa de atención a familias “Abeiro” (pertencente a Cáritas Parroquial de As Fontiñas).
- h) Técnicos da Asemblea de Cooperación pola Paz.
- i) Técnico de prevención en drogodependencias da UMAD.
- j) Traballadora social do centro de saúde de Fontiñas.



- k) Técnicas do PASS Fontiñas.
- l) Alumnado prácticas da USC.

Se ben estes profesionais asumirán tarefas relacionadas coa organización e coa implementación directa da actividade, espérase contar co apoio dos demais profesionais da zona (pertencentes ás restantes entidades que participan no desenvolvemento comunitario) para acadar a dinamización dos participantes, sexan soporte loxístico e difundan a actividade. A difusión, ademais de ser directa (coa poboación que se acheguen aos distintos servizos), realizarase dun xeito mais xeral a través de carteis e da utilización das distintas redes informáticas pertencentes a cada entidade, sen esquecer a propia da comunidade: www.compostelaintegra.org, así como nas diferentes redes sociais.

Os distintos participantes serán os responsables do seu propio posto, contando en todo momento co apoio dos profesionais sinalados anteriormente. Contarase igualmente con voluntariado para dinamizar as actividades de animación.

8. Recursos técnicos e materiais

- *Previo:*

- Elaboración de proxecto: a cargo da orientadora do IES Antonio Fraguas, das técnicas do PASS Fontiñas: traballadoras sociais e educadora social (estas últimas profesionais pertencentes aos Servizos Sociais Comunitarios do Concello de Santiago de Compostela).
- Entrevistas con responsables de Área Central para solicitar como “espazo para a realización do mercadiño” as instalacións e equipamento dese centro comercial: a cargo da responsable de Xuventude de Cruz Vermella.
- Cartel para a difusión: elaborado pola orientadora do IES Antonio Fraguas.
- Impresión do cartel e distribución: a cargo das orientadoras dos centros educativos: IES Antonio Fraguas, CEIP Fontiñas e CEIP Plurilingüe Monte dos Postes e técnicas do PASS Fontiñas.
- Folla/díptico de Inscripción coas condicións: a cargo da técnicas do PASS Fontiñas.



- Impresión cuestionarios de avaliación: a cargo das técnicas do PASS Fontiñas (estas últimas pertencentes aos Servizos Sociais Comunitarios do Concello de Santiago de Compostela).
- Elaboración de folleto divulgativo do traballo comunitario que se está a desenvolver no barrio de Fontiñas: a cargo das técnicas do PASS Fontiñas (estas últimas pertencentes aos Servizos Sociais Comunitarios do Concello de Santiago de Compostela).
- Difusión global da actividade, a cargo de tódolos membros da Comisión Organizadora.
- Presentación pública da actividade: a cargo da Concelleira de Políticas Sociais, Diversidades, Saúde e Centros Cívicos representantes da rede do barrio.

- Durante a Actividade:

- Mesas para postos.
- Cadeiras.
- Mesas para obradoiros de animación.
- Mesas informativas e para a “caixa solidaria”.
- Paneis.
- Petos e caixas.
- Bolígrafos+ Bloc Notas.
- Cámara de fotos.
- Equipo de son e megafonía.
- Material bibliográfico e visual.
- Tarima para actuacións.
- Libro de visitas.
- Peto solidario.
- Cuestionarios de avaliación.



9. Seguimento e avaliación

A avaliación será participativa e aberta. Neste sentido, os diferentes participantes (tanto as rapazas e rapaces dos postos como os asistentes) poderán cumprimentar un pequeno cuestionario anónimo. No cuestionario abordaranse as seguintes cuestións:

1. Valoración da iniciativa.
2. Valoración do interese do proxecto solidario proposto.
3. Valoración das actividades de animación levadas a cabo ao longo da xornada.
4. Suxestións cara a realización doutras actividades comunitarias.

A maiores, os profesionais implicados na organización e implementación da xornada, realizarán unha avaliación técnica, cun dobre enfoque: cuantitativo e cualitativo. Para o primeiro deles, propónse os seguintes indicadores:

- ✦ Número de solicitudes
- ✦ Número de postos finais no mercado
- ✦ Número de participantes nos postos
- ✦ Numero de visitas aproximado
- ✦ Número de diferentes actividades de animación
- ✦ Número de participantes aproximado nos obradoiros
- ✦ Voluntariado que participa nas actividades de animación
- ✦ Número de entidades da rede que participan activamente con algunha tarefa do proxecto.
- ✦ Recadación e grado de consecución do proxecto solidario

Para a avaliación cualitativa, levarase a cabo unha xornada avaliativa cos menores responsables dos distintos “postos” e unha xuntanza final da comisión deste proxecto para unha data na semana seguinte ao desenvolvemento do mesmo e nela poder analizar os resultados dos indicadores marcados aprofundando no seu alcance, interese e repercusión.

Igualmente recollerase unha reflexión sobre o propio proceso da actividade dende a súa xénese ata a súa finalización, reflectindo as dificultades e os logros atopados.

A implementación da xornada e a avaliación correspondente recollerase nun documento, que será debidamente difundido.






Anexo nº 1: A evolución temporal do grupo comunitario do barrio de Fontiñas.

ACTUACIONES COMUNITARIAS: Fontiñas


EVOLUCIÓN TEMPORAL





Fontiñas

EVOLUCIÓN TEMPORAL




Grupo comunitario amplamente consolidado // Existencia de proxectos de intervención comunitaria, deseñados e implementados dende una óptica participativa // Transparencia da programación e na difusión de resultados a través da web www.compostelaintegra.org



Grupo comunitario amplamente consolidado // Existencia de proxectos de intervención comunitaria, deseñados e implementados dende una óptica participativa // Transparencia da programación e na difusión de resultados a través da web www.compostelaintegra.org



Anexo nº 2: Liñas de intervención social no barrio de As Fontiñas – III Diagnóstico Comunitario (xuño, 2015). Mais información na web: www.compostelaintegra.org





Anexo nº 3: Lembrando outros tempos...



I Mercadiño solidario.
Ano 2013.




II Mercadiño solidario.
Ano 2014.



III Mercadiño solidario.
Ano 2015.



**IV Mercadiño solidario.
Ano 2016.**



**V Mercadiño solidario.
Ano 2017.**





VI Mercadiño solidario. Ano 2018.





Anexo nº 4: Folla de inscrición

FOLLA INSCRICIÓN

Todas as persoas que conformen un grupo deberán entregar ó mesmo tempo as súas inscricións .

NOME DO POSTO		
PARTICIPANTES DO GRUPO (Nome e apelidos) Engadir correo electrónico e teléfono de contacto.		
PRODUCTO A TROCAR OU VENDER* Describir brevemente o que ides ter no posto	VENDA	TROQUE
COLEXIO / INSTITUTO/ENTIDADE		

VII TRÓCAME –ROQUE NO CC AREA CENTRAL DE 17:00 A 20.00H.

Dentro das iniciativas comunitarias do Barrio de Fontiñas, Cruz Vemella, e o resto de entidades sinaladas teñen previsto organizar a VII Edición do MERCADO TRÓCAME-ROQUE.

O Mercado Trócame-Roque desenvolverase o venres 24 de maio de 2019 en horario de 17:00 a 20:00 h. no Centro Comercial ÁREA CENTRAL. Procurase a implicación dos máis cativos/as nas accións solidarias, de tal xeito, que a participación como xerentes dos postos estará reservada para os nenas/as, mozos/as situados nunha franxa de idade de 8-18 anos.

A inscrición poderase levar a cabo do 2 de maio ó 17 de maio de 2019 ambos incluídos, nos locais de Cruz Vemella en horario de 9 a 14h e de 16h a 18:30h. Así como no IES Antonio Fraguas, no CEIP Plurilingüe Monte dos Postes e CEIP das Fontiñas.

Para formalizar a solicitude de participación, débese cubrir adecuadamente a folla de inscrición e a autorización debe estar asinada pola nai/pai/titora.

E necesario que tidolos implicados na actividade aporten a taxa de inscrición (1€ por cada participante) que será destinada ó Proxecto Solidario 2019*. É requisito fundamental, que todas as persoas que conforman o grupo, entreguen as súas inscricións ó mesmo tempo, para validar a existencia de dita unidade grupal.

Para ampliar a información sobre esta iniciativa, pódese consultar a seguinte páxina: <http://www.compostelaintegra.org>



* Financia o gasto dalgunha necesidade socioeducativa do barrio de Fontiñas



CONDICIÓNS DE SOLICITUDE DE PARTICIPACIÓN NO MERCADIÑO

Cruz Vermella, con CIF.Q2866001G en nome da Rede Comunitaria do Barrio de Fontiñas, organizadora deste Mercado, ten autorización para a presenza dos postos do Mercado Trócame - Roque, que terá lugar o **día 24 de maio de 2019, entre ás 17:00h e as 20:00h** no Centro Comercial Área Central. Esta é unha actividade comunitaria levada a cabo grazas ó traballo de persoas voluntarias e enmarcada nun contexto de desenvolvemento comunitario do Barrio de Fontiñas e onde os obxectivos a acadar son:

- Implicar e integrar a tódolos axentes sociais do barrio nunha mesma actividade.
- Impulsar actividades nas que nenas, nenos, mozos e mozas sexan protagonistas.
- Activar procesos de solidariedade entre a veciñanza, facéndoos conscientes das necesidades do barrio.
- Promover a integración das persoas de orixe estranxeira nas actividades do barrio.
- Promover espazos de encontro interxeneracional.

A Rede Comunitaria do Barrio de Fontiñas é a única habilitada para designar os espazos autorizados nos que montar os postos. **Só está permitida a venda de produtos feitos a man polas/es participantes e o troque de produtos de segunda man que se relacionan a continuación: cómics, libros, xogos, xoguetes, videoxogos, cds, dvds.**

Todas as solicitudes deberán ir acompañadas da autorización e cadro de inscrición cumprimentados axeitadamente e asinado pola nai/pai/titor/titora; de non cumprirse este requisito, non se formalizará a solicitude e posterior inscrición.

Establécese un máximo de **30** postos.

A organización resérvase o dereito de denegar ou retirar o permiso ós postos que incumpran as condicións indicadas no presente texto.

Os menores de 12 anos deberán estar acompañados por un adulto durante a xomada.

Establécese unha achega mínima do 50% do recadado ao fin solidario marcado neste proxecto, sendo o restante para os/as rapaces/zas participantes. Existe a posibilidade de doar ata 100% do recadado.

SENDO DEBIDAMENTE INFORMADO ACEPTO AS NORMAS DE FUNCIONAMENTO E ORGANIZACIÓN NO MERCADIÑO.

AUTORIZACIÓN DE PARTICIPACIÓN:

Eu _____ con DNI _____ como nai/pai/titor/a legal de _____ de _____ anos de idade e con DNI/NIE _____, autorizo a participar ó/á meu/ña fillo/a , na VII Edición do Mercadiño Solidario Trócame-Roque que se desenvolverá o venres 24 de maio de 2019 no CC Área Central (Fontiñas).

VENDER (repostería ou artesanía caseira): Os participantes no mercado, asignarán un valor ós obxectos expostos, de tal xeito que as persoas que desexen adquirir estes aboarán a cantidade establecida, que será doada a causa social deste ano.

TROCAR: xogos, xoguetes, videoxogos ou libros.

➤ Achégase unha taxa de inscrición simbólica, 1€ por participante que será destinado ó Proxecto Comunitario do Trócame-Roque 2019.

➤ **AUTORIZACIÓN PARA O USO DA IMAXE** De forma voluntaria e con carácter gratuito, autorizo á Cruz Vermella, con CIF. Q2866001G, como representante da Rede Comunitaria do Barrio de Fontiñas, para que as fotografías e/ou gravacións que podan ser realizadas ó/á meu/ña fillo/a durante as actividades da VII Edición do Mercado Trócame-Roque, sexan utilizadas por esta mesma rede comunitaria, de forma atemporal, en calquera publicación ou acción publicitaria e/ou dos medios de comunicación presentes no evento.

➤ Ó marcar este recadro, acepto formar parte dunha base de datos xestionada baixo a responsabilidade da Rede Comunitaria do Barrio de Fontiñas, que garante a confidencialidade dos datos persoais dos/dos participantes. Esta información, será unicamente empregada para a comunicación cos participantes, cos seus pais/nais/titores/as, ou para informar doutras actividades comunitarias desenvolvidas posteriormente á realización desta VII edición do Mercado Trócame-Roque. Se desexa cancelar a subscripción á canle informativa da Rede Comunitaria de Fontiñas, rogamos se comunique por correo electrónico ó seguinte enderezo: santiago@cruzroja.es.

Sinatura